

ՇՀԿ-ն 2026 թ. Բիշքեկյան գազաթնաժողովից հետո

ԱՌՎԱԿ կենտրոնի մեկնաբանությունը, 14.09.2026 թ.¹

Անտրագիա

ԱՌՎԱԿ կենտրոնի մեկնաբանությունը նվիրված է Շանհայի համագործակցության կազմակերպության (ՇՀԿ) Բիշքեկյան գազաթնաժողովի արդյունքներին և դրա հետագա հեռանկարների գնահատմանը: Քննարկվում են Բիշքեկյան հոչակագրի առանցքային ուղերձները, ինչպես նաև կազմակերպության համակարգային խնդիրները, ներառյալ Ջարգացման բանկի եւ անկախ վճարային համակարգի ստեղծման հարցում առաջընթացի բացակայությունն ԱՄՆ-ի կողմից պատժամիջոցների ռիսկերի պատճառով, ինչպես նաև ՇՀԿ ընդլայնման գործընթացի փաստացի դադարեցումը: Ուշադրության կենտրոնում է գազաթնաժողովի կանոնակարգում ուկրաինական օրակարգի նկատմամբ Ռուսաստանի և Չինաստանի աշխարհաքաղաքական շահերի անհամապատասխանությունն իրանական օրակարգի գերակայության համապատկերում: Հարուկ շեշտադրում է կատարվում ԱՄՆ ռազմավարության վրա, որն ուղղված է ՇՀԿ-ի կառուցվածքի լողմանը՝ դրա չափից ավելի ընդլայնման, ինչպես նաև այլընտրանքային տարածաշրջանային դաշինքների խրախուսման հաշվին: Մանրամասն վերլուծվում են “Մեկ գուրի, մեկ ճանապարհ” նախագծի շուրջ չին-հնդկական հակասությունների ասպակառուցողական ազդեցությունը և Պեկինի երկարաժամկետ դիրքորոշումը, որը հիմնված է “Շանհայի ոգու” և ռազմավարական համբերության վրա:

Բանալի բառեր. ՇՀԿ, Բիշքեկի գազաթնաժողով, Բիշքեկի հոչակագիր, բազմաբևեռություն, ՇՀԿ զարգացման բանկ, տնտեսական ինտեգրում, իրանական ճգնաժամ, հակամարտություն Ուկրաինայում, Չինաստանի աշխարհաքաղաքական ռազմավարություն, ԱՄՆ դիրքորոշումը Եվրասիայում, հնդկա-չինական հակասություններ, “Շանհայի ոգի”:

1. Բիշքեկի գազաթնաժողով. բազմաբևեռության հոչակագիր և ինտեգրման նոր ուղեգծեր

31.08.2026 թ. Բիշքեկում մեկնարկել է Շանհայի համագործակցության կազմակերպության (ՇՀԿ) 26-րդ գազաթնաժողովը: Միջոցառմանը ներկա էին եվրասիական ավելի քան 20 երկրներ՝ կազմակերպության անդամների, “երկխոսության գործընկերների” և “դիրքորոշների” քաղաքական առաջնորդների ու պատվիրակությունների մակարդակով: Գազաթնաժողովի ընթացքում ստորագրվել են շուրջ 3 տասնյակ ամփոփիչ փաստաթղթեր, այդ թվում՝ առանցքային “Բիշքեկյան հոչակագիրը կազմակերպության 25-ամյակի կապակցությամբ”, որում “արձանագրվել են երկրների դիրքորոշումները բազմաբևեռ աշխարհի ձևավորման հարցում” և հոչակվել է ՇՀԿ-ի՝ որպես գլոբալ աշխարհակարգի ամենաազդեցիկ քաղաքական և տնտեսական կենտրոններից մեկի, կարևոր դերը:

Փաստաթուղթը ներառել է 4 հիմնական ուղերձ.

1. Ստորագրողները հանդես են եկել միակողմանի հարկադրանքի միջոցների դեմ, որոնք հակասում են ՄԱԿ-ի կանոնադրությանը և միջազգային իրավունքի այլ նորմերին, ինչպես նաև ԱՀԿ կանոններին և սկզբունքին:

2. Դիրքորոշում են հայտնել գլոբալ տնտեսական կառավարման համակարգի

¹ Նյութի բնօրինակը (ռուս.) հրապարակվել է մեր կայքէջում 11.09.2026 թ.:

հետագա բարեփոխման և կատարելագործման անհրաժեշտության վերաբերյալ:

3. Դատապարտել են Իրանի դեմ ռազմական հարվածները, հաստատել աջակցությունը նրա ինքնիշխանությանն ու տարածքային ամբողջականությանը:

4. Հաստատել են նախկինում հայտարարված սկզբունքներն առ այն, որ ՇՀԿ-ն ռազմաքաղաքական դաշինք չէ:

Գազաթնաժողովի շրջանակներում ստորագրված մյուս փաստաթղթերը վերաբերել են էներգետիկայի, լոգիստիկայի և ծովային հաղորդակցությունների ոլորտներում փոխգործակցությանը, տվյալների մշակման տարածաշրջանային կենտրոնների ստեղծմանը, ԱԻ անվտանգ օգտագործման պայմանների համաձայնեցմանը, ինչպես նաև ահաբեկչության, ծայրահեղականության, նարկոթրաֆիկի և կիբերհանցագործությունների դեմ պայքարի ուժեղացմանը:

2. Հաստատութենական փակուղիներ. Զարգացման բանկը և ՇՀԿ ընդլայնման ճգնաժամը

Ընդհանուր առմամբ, ՇՀԿ շրջանակներում ձեռք բերված պայմանավորվածությունների և հետագա փոխգործակցության համաձայնեցված ժամանակացույցերի ծավալը բավականին տպավորիչ է: Միննույն ժամանակ, փորձագետները, առավելապես ռուս, ուշադրություն են հրավիրում այն փաստի վրա, որ Բիշքեկի գազաթնաժողովի արդյունքները հստակություն չեն մտցրել առանցքային հայեցակարգային հարցերում, որոնք որոշում են կազմակերպության բովանդակային հեռանկարը: Մասնավորապես, չլուծված է մնում զարգացման բանկի և ՇՀԿ անկախ վճարային համակարգի ձևավորման խնդիրը, որոնց ստեղծման մասին որոշումը ամրագրված է անցյալ տարվա Տյանցզինի գազաթնաժողովի հռչակագրում: Բիշքեկում այս թեմայի առարկայական քննարկման բացակայությունը վկայում է այդ ուղղությամբ շոշափելի առաջընթացի բացակայության մասին, ինչը, ամենայն հավանականությամբ, պայմանավորված է Եվրասիական տարածաշրջանում ԱՄՆ-ի խիստ պատժամիջոցային ռեժիմի հետ կապված ռիսկերով: Վերլուծաբանները զուգահեռներ են անցկացնում BRICS-ի Զարգացման նոր բանկի հետընթաց փորձի հետ, որը ստեղծվել է ԱՄՆ-ի ֆինանսական գերիշխանության համահարթեցման համար, սակայն այժմ սահմանափակված է Ռուսաստանում և Իրանում նախագծերը ֆինանսավորելու հնարավորությամբ՝ Արևմուտքի երկրորդական պատժամիջոցների կիրառման սպառնալիքի պատճառով:

Մեկ այլ կարևոր խնդիր դարձավ ՇՀԿ-ի ընդլայնման գործընթացի դադարեցման փաստը՝ նախորդ տարիներին այս ոլորտում արձանագրված բարձր ակտիվությունից հետո: Ենթադրվում էր, որ ՇՀԿ-ում նոր անդամներ ընդունելու պարզեցված ընթացակարգից հետո, ինչը հաստատվել էր 2025 թվականի սեպտեմբերին՝ Տյանցզինի գազաթնաժողովում, “գործընկեր երկրները” և “դիպորդ երկրները” կազմակերպությանը լիարժեք մասնակցության հայտեր կներկայացնեն անմիջապես, սակայն անցած տարվա ընթացքում ոչ մի նման

նախաձեռնություն չի գրանցվել: Վերլուծաբանների կարծիքով, ՇՀԿ-ի հիմնական կազմում նոր պետությունների ընդունումը, ամենայն հավանականությամբ, գործնականում կմնա “սառեցված վիճակում” կապված կազմակերպությունում ներքին վերափոխումների հետ: Միևնույն ժամանակ, նրանք մատնանշում են այն հանգամանքը, որ անդամակցության ներունակ թեկնածու որոշ երկրներ սկսել են մեծ զգուշությամբ վերաբերվել անդամակցության գաղափարին՝ թշնամաբար տրամադրված պետությունների հետ միասնական համակարգում աշխատելու ցանկության բացակայության պատճառով: Մասնավորապես, բերվում է Պարսից ծոցի 5 արաբական միապետությունների օրինակը, որոնք ՇՀԿ-ի գործընկերների կարգավիճակ ունեն, սակայն առայժմ հրաժարվում են կազմակերպությանն անդամակցել Իրանի պատճառով, որը նրա լիիրավ անդամ է դարձել տակավին 2023 թվականին:

3. «Խանդը» և առաջնահերթությունները. իրանական թղթապանակը և ուկրաինական հարցը

Միևնույն ժամանակ, ռուսական փորձագիտական շրջանակները մտահոգություն են հայտնում այն հանգամանքի կապակցությամբ, որ Ուկրաինայի հարցը Բիշքեկում չի դարձել հանրային քննարկումների կենտրոնական թեմաներից մեկը և չի արձանագրվել ամփոփիչ հոչակագրում, ինչի համար նրանք կշտամբում են Չինաստանին, որի ղեկավարությունը, ըստ երևույթին, տաքուացրել է այս օրակարգը և այն հանել կանոնակարգից: Հնարավոր է, որ Ռուսաստանում դրան ավելի ըմբռնումով վերաբերվեին, եթե իրանական հարցը չբարձրացվեր գազաթնաժողովի գրեթե գլխավոր խնդրի աստիճանի: Մոսկվայի համար Եվրասիայում արևմտյան ռազմաքաղաքական ճնշման երկու ուղղությունների՝ Արևելյան Եվրոպայի և Մերձավոր Արևելքի նշանակությունն առնվազն համարժեք է, և այդ պատճառով ռուս վերլուծաբանները գազաթնաժողովի զուտ իրանական օրակարգին որոշ չափով խանդով են վերաբերվել: Այնուամենայնիվ, Ռուսաստանի Դաշնության ղեկավար Վ. Պուտինն ուկրաինական թեմայի ակտիվ քննարկում է նախաձեռնել գազաթնաժողովի շրջանակներում՝ ՇՀԿ միավորման առավել նշանակալից անդամ երկրների և թեկնածու պետությունների ղեկավարների հետ կայացած երկկողմ հանդիպումների ընթացքում:

Ամերիկյան վերլուծաբանները նաև ուշադրություն են դարձրել այս գործոնին՝ եզրակացնելով, թե Պեկինը, որը, փաստորեն, առաջատար դիրքեր է զբաղեցնում ՇՀԿ-ում, ցույց է տվել իրանական խնդիրների և Պարսից ծոցի տարածաշրջանում ապասրացման առաջնահերթությունը, որի կայունությունից ուղղակիորեն կախված է չինական տնտեսության կայունությունը: ԱՄՆ-ի փորձագիտական հանրությունում նշվում է, որ Ուկրաինայում ձգձգվող հակամարտությունը որոշ չափով համապատասխանում է ՉԺՀ-ի շահերին, քանի որ հանգեցնում է Արևմուտքի պաշտպանական պաշարների սպառմանն ու, միաժամանակ, ուժեղացնում է Ռուսաստանի կախվածությունը չինական բարձր տեխնոլոգիական

ռազմաարդյունաբերական համալիրից, ապրանքների լայն շրջանակի ներմուծումից և ֆինանսական վարկավորումից: Միևնույն ժամանակ, Իրանի շուրջ սրացումն էապես ոտնահարում է Պեկինի ռազմավարական շահերը՝ հրահրելով Իրանից և Սաուդյան Արաբիայից էներգապաշարների ներմուծման համակարգված խափանումներ, ինչպես նաև ֆյուչերսային շուկաներում գնանշումների կտրուկ տատանումներ: Այս համապատկերում ԶԺՀ ղեկավարությունն ուշադրությունը կենտրոնացրել է իրանական ճգնաժամի վրա՝ այն դարձնելով Բիշքեկի գազաթնաժողովի առանցքային հարցերից մեկը, քննարկումների մեխանիզմների և ՇՀԿ ամփոփիչ հոչակագրի միջոցով ԱՄՆ-ի վրա դիվանագիտական ճնշման լրացուցիչ լծակ ձևավորելու նպատակով:

4. Վաշինգտոնյան հաշվարկ. զսպման ռազմավարություն կառուցվածքի անհավասարակշռեցման միջոցով

Ընդհանուր առմամբ, ՇՀԿ-ի անցած գազաթնաժողովին Վաշինգտոնի արձագանքն առանձնանում է զսպվածությամբ. չնայած Բիշքեկում Իրանի նկատմամբ ամերիկյան ուղեգծի քննադատությանը, ԱՄՆ-ը լուրջ մտահոգություն չի հայտնում: Ամերիկայում կարծում են, որ կազմակերպությունը նախկինի պես մի միավորում է, որը կապված է մասնակիցների կոնյունկտուրային և իրավիճակային շահերի հետ և միատարր բլոկ դառնալու ներուժ չունի:

2000-ական թթ. սկզբին “Շանհայի ակումբի” ձևավորումը Միացյալ Նահանգների կողմից ի սկզբանե դիտարկվում էր որպես մի ուղեգիծ, որն ունակ է դուարի գերակայությունը և մայրցամաքում ԱՄՆ դիրքը խաթարող անվտանգության և աշխարհատնտեսական զարգացման այլընտրանքային համակարգ առաջարկել Եվրասիային: Այս մտահոգությունները նկատելիորեն աճել են Իրաքում և Աֆղանստանում ԱՄՆ ռազմարշավի, ինչպես նաև հետխորհրդային տարածքում գունավոր հեղափոխությունների շարքի համապատկերում: Այս իրադարձությունները Մերձավոր Արևելքի և Կենտրոնական Ասիայի պետություններին դրդեցին ակտիվորեն մերձենալ ՇՀԿ-ին: Քանի որ Բալկաններից մինչև Հարավարևելյան Ասիա աղեղում Վաշինգտոնի գործունեությունն ավելի էր խստանում, կազմակերպության աշխարհագրական ընդգրկումն ու կազմն արագորեն աճում էին: ԱՄՆ-ի համար առանցքային խնդիր էր թույլ չտալ ՇՀԿ-ի քանակական աճի վերափոխումը որակապես նոր աշխարհատնտեսական կառուցվածքի և ուժի գլրբալ կենտրոնի, որը կարող է վիճարկել ամերիկյան գերակայությունն արևելյան կիսագնդում:

Այս առումով գոյություն ունի տեսակետ, թե Միացյալ Նահանգներին ձեռնտու էր ոչ թե Զինաստանի և Ռուսաստանի կողմից ՇՀԿ-ի համակարգված ամրապնդումը մասնակիցների մանրակրկիտ ընտրությամբ, այլ դրա սրընթաց ընդլայնումը: Սա “Շանհայի ակումբը” վերածեց մի անհավասարակշիռ և ծանրաշարժ միավորման, որն ակնհայտորեն ի վիճակի չէր ներքին միասնություն զարգացնել և դատապարտված էր հաղթահարելու ներքին խորը հակասությունները: Իր եվրասիական ռազմավարության շրջանակներում Վաշինգտոնը

հմտորեն գործի է դրել այդ գործոնը՝ ստեղծելով նախադրյալներ, իսկ երբեմն էլ ավանդական գործընկերներին (ներառյալ Հնդկաստանին ու Պակիստանին) դրդելով անդամակցել ՇՀԿ-ին: Նման մոտեցումը ծանրացրեց կառուցվածքը, լողզեց Պեկինի ու Մոսկվայի առաջատար դիրքերը և հիմք դրեց կենտրոնախույս միտումների համար:

Մինչև վերջին ժամանակներս ԱՄՆ-ը հանդուրժողականության քաղաքականություն էր որդեգրել իր հիմնական մրցակիցների կողմից ձևավորվող առանցքի ընդլայնման նկատմամբ: Դրանով է բացատրվում ՇՀԿ-ին Թուրքիայի, Սաուդյան Արաբիայի և մերձավորարևելյան այլ դաշնակիցների անդամակցության ընթացակարգերը սկսվելու վերաբերյալ Վաշինգտոնի չեզոք դիրքորոշումը: Ընդլայնելով կազմակերպության աշխարհագրությունը մինչև Առաջավոր Ասիայում իր ռազմավարական շահերի գոտին՝ ԱՄՆ-ը հույս ուներ լրացուցիչ լծակներ ձեռք բերել ՇՀԿ-ում ներքին գործընթացների վրա ազդելու համար, ընդհուպ մինչև անհրաժեշտության դեպքում կառույցի քայքայումը հրահրելու հնարավորությունը:

Զուգահեռաբար, հատուկ հետաքրքրություն է առաջացնում ՇՀԿ տարածքի հենց կենտրոնում բազմակողմանի դաշինքների հայտնվելը, ինչպիսիք են թյուրքական պետությունների կազմակերպությունը (OTG) և, այսպես կոչված, “սունի ՆԱՏՕ”-ն (Թուրքիա, Պակիստան, Սաուդյան Արաբիա): Հնարավոր է, որ այս գործընթացներում նաև ամերիկյան միջամտություն է տեղի ունեցել: Ըստ ամենայնի, նման ռազմավարությունը դիտվում է որպես ամենաարդյունավետ գործիքը՝ կանխելու ՇՀԿ-ի վերափոխումը աշխարհատնտեսական ինտեգրացիոն նախագծից ռազմաքաղաքական հարթակի: Վաշինգտոնում մտավախություն ունեն, որ կազմակերպությունն իր իսկ դիրքավորմանը համապատասխան կարող է հավակնել գերիշխող դերակատարման նոր աշխարհակարգում:

5. Ներքին շփում. հնդկական բոյկոտ և պաշտպանական համախմբման փակուղի

Ամերիկացի վերլուծաբաններն ուղղակիորեն շեշտում են, որ Պակիստանի և Հնդկաստանի, Հնդկաստանի և Չինաստանի, ինչպես նաև Չինաստանի և Ռուսաստանի միջև հիմնարար տարաձայնություններն էապես խաթարում են ՇՀԿ-ի գործունեության կենտրոնացումը, կայունությունը և արդյունավետությունը: Իրավիճակը բարդացնում է նաև մշտական անդամի կարգավիճակ ստանալու Թուրքիայի ձգտումը. Անկարան հետապնդում է սեփական աշխարհաքաղաքական օրակարգը և շփումներ ունի կազմակերպության բազմաթիվ մասնակիցների ու դիտորդների հետ: Այսպես, օրինակ, կազմակերպությանը Թեհրանի անդամակցության հետ մեկտեղ ՇՀԿ տարածք է անցել իրանա-արաբական առճակատման խնդիրը:

«Շանհայի ակումբի» 25-ամյա պատմությունը հստակ ցույց է տալիս, որ ՇՀԿ-ն գլոբալ տարաձայնությունների լուծման արդյունավետ հարթակի չի վերածվել, թեև դա հայտարարվում էր դրա ստեղծման ժամանակ: Ընդհակառակը, քանի որ կազմակերպությունն ընդլայնվում է, առկա խնդիրներն ու հակասությունները միայն

կուտակվում և համակարգվում են: Միավորման աշխատանքի ընթացքում չի հաջողվել կառուցողականորեն կարգավորել ոչ մի հիմնարար հակամարտություն, ներառյալ Պեկինի համար առավել կրիտիկական հարցերը, որոնց լուծումը կենսականորեն անհրաժեշտ է Եվրասիական տարածաշրջանում չինական ազդեցության առաջնության համար:

Այս միտման վառ ապացույցն է “Մեկ գոտի, մեկ ճանապարհ” չինական հայեցակարգի վերաբերյալ Նյու Դելիի համակարգված դեմարշը. Հնդկաստանը բոյկոտում է այս նախաձեռնությունը և հրաժարվում է դրա վրա համատեղ աշխատել ՇՀԿ-ի շրջանակներում: Հնդկական կողմն իր դիրքորոշումը բացահայտորեն հիմնավորում է ազգային ինքնիշխանությանն ուղղված սպառնալիքով, քանի որ չին-պակիստանյան առանցքային երթուղին անցնում է Քաշմիրի վիճելի Գիլգիտ-Բալթիստան շրջանով: Վերլուծաբանները նաև նշում են, որ Նյու Դելին նպատակաուղղված հակազդում է Պեկինի առևտրատնտեսական նախագծին՝ առաջնահերթություն տալով այլընտրանքային անդրմայրցամաքային մայրուղիներին՝ “Հյուսիս-Հարավ” միջանցքին և IMEC երթուղուն: Քանի որ “Մեկ գոտի, մեկ ճանապարհ” նախաձեռնությունը ետնաբեմնորում դիտարկվում է որպես ՇՀԿ-ի հիմք և հիմնական առանցք, Հնդկաստանի անհաշտ դիրքորոշումը հիմնարար մարտահրավեր է ստեղծում ամբողջ կառույցի կայունության համար:

ՇՀԿ-ի ներսում ներքին հակասությունների կուտակված համալիրը նկատելիորեն նվազեցրել է Վաշինգտոնում մտահոգության մակարդակը: Մի կողմից, չինական յուանին դեռևս չի հաջողվել ասիական շուկաներում դուրս մղել ամերիկյան դոլարը՝ հակառակ նախկինում հնչեցրած կանխատեսումների: Մյուս կողմից, կառույցի ընդլայնման խառնաշփոթ գործընթացը հանգեցրել է նրան, որ Հյուսիսային Կորեան՝ կորպորատիվ աշխարհաքաղաքականության ոլորտի զգուշավոր մասնակիցը, կորցրել է հետաքրքրությունը դրա նկատմամբ, ինչը դրական ազդանշան է դարձել ԱՄՆ-ի համար: Ի սկզբանե Վաշինգտոնում մտավախություն ունեին, որ ՇՀԿ-ն կարող է վերածվել “3+1” ձևաչափի կոշտ հակաարևմտյան միջուկային բլոկի, որը բաղկացած է ՌԴ-ից, ՉԺՀ-ից, ԿԺԴՀ-ից և միջուկային զենքի ստեղծմանը տեխնոլոգիապես մոտ ԻԻՀ-ից: Նման դաշինքը կձևավորեր վճռորոշ գերակայություն, որը թույլ կտար արմատապես վերանայել անվտանգության ճարտարապետությունն ասիա-խաղաղօվկիանոսյան տարածաշրջանում և Հնդկական Օվկիանոսի արևմուտքում: Այնուամենայնիվ, ամերիկացի վերլուծաբանների հրատապ ռազմավարական գնահատականներն առայժմ քիչ հավանական են դիտարկում նման հեռանկարը:

6. “Շանհայի ոգու” վրա Պեկինի երկարաժամկետ դրույքն ամերիկյան ճնշման պայմաններում

Իր հերթին Չինաստանն իրեն բնորոշ հանգիստ ձևով շարունակում է վստահություն ցուցաբերել երկրների “Շանհայի ակումբի” հեռանկարների վերաբերյալ: Չինացի

փորձագետները ՇՀԿ-ի 25-րդ գագաթնաժողովը համարում են նշանակալից հանգրվան կազմակերպության կենսագրության մեջ, քանզի, նրանց տեսանկյունից, այդ ձևաչափը վերստին ապացուցեց, որ հիմնված է փոխադարձ շահի և վստահության, իրավահավասարության, երկխոսության, մշակույթների բազմազանության և բոլոր անդամ երկրների շահերի հարգանքի վրա՝ անկախ դրանց չափից ու հզորությունից: Այս ամենը թույլ է տալիս ՇՀԿ-ին վստահաբար առաջ շարժվել նույնիսկ *“համաշխարհային ուժերի աննախադեպ ագրեսիվացման պայմաններում, որոնք հանդես են գալիս համաշխարհային կարգի միաբևեռ համակարգի պահպանման օգտին”*: Նման եզրահանգումները համապատասխանում են Պեկինի գաղափարախոսական-քարոզչական խոսույթին ու հենվում են Ղրղզստանում կայացած գագաթնաժողովի արդյունքների վերաբերյալ ՉԺՀ ԱԳ նախարար Վան Իի թեզիսներին, որտեղ նա վերստին շեշտադրել է *“Շանհայի ոգու”* հաղթական դրսևորումը: Չինաստանի արտաքին քաղաքական գերատեսչության ղեկավարը հասկացնում է, որ իրավիճակային ու դրվագային խնդիրներն սկզբունքորեն չեն կարող կանգնեցնել *“հետգաղութային դարաշրջանի ասիական ժառանգության ժողովման”* գործընթացը, որը ծրագրավորված է երկարաժամկետ հեռանկարի համար ու լիցքավորված ռազմավարական համբերատարությամբ:

Չինաստանը, ինչպես աշխարհի ոչ մի այլ երկիր, փորձագետների կարծիքով, ունի այդ *“համբերությունը”* և, համեմայն դեպս, արտաքուստ բացարձակ վստահություն է ցուցաբերում ՇՀԿ հարթակում առաջ քաշված նախաձեռնությունների հաջողության հարցում: Հարցն այն է, թե, արդյոք, ԱՄՆ-ը կհամաձայնի՞՝ այսուհետ ևս հանդուրժել ՇՀԿ ձևավորման անշտապ ռիթմն ու շարժընթացը, ինչպես դա անում էին վերջին տարիներին՝ անտեսելով *“Շանհայի նախաձեռնության”* վտանգը, թե՛, այնուամենայնիվ, հենց այդ անշտապության մեջ կտեսնի իր դիրքերի համար ամենամեծ սպառնալիքն Ասիայում և ամբողջ աշխարհում: